



12. maj 2026

UPA2026/46

**Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnera aamma pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaata allanngortinneqarnera pillugit Inatsisartut inatsisaat.**

(Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoq)

Siumut sinnerlugu Naalakkersuisut inatsisissatut siunnersuutaannut tassa, suliffeqarfiit sanaartornermilu neqerooruteqartarnermut inatsisip kiisalu pisortani sullississutinik pisinerni tamanut ammasumik neqerooruteqartarnermut inatsisip allanngortinneqarnissaa pillugu siunnersuummut qujanaq.

Inatsisissatut siunnersuut ilaatigut siunertaqarpoq malittarisassanik pisariillisaanissaq, ingerlatsinermi atorreqarsinnaanerulersitsinissaq kiisalu nunatsinni suliffeqarfinnut atugassarititaasut pitsaanerulersinneqarnissaat.

Siumumiit pingaaruteqarluinnarpoq oqaatigissallugu inatsisit inuiaqatigiinni pisunut naapertuunnerat aammalu ineriartortitsinermut, suliffissaqartitsinermut kiisalu nunatsinni siammasissumik ineriartortitsinermut iluaqutaasumik atorreqarnissaat.

Siunnersuummi pingaarnarpaat ilagaat § 7 kiisalu § 20 allanngunerat, tassani periarfissiisoqarpoq suliassanik isumaqatigiissuteqartarnermi isumaqatigiissuteqanngitsumik neqerooruteqartarnerup atorreqarsinnaanera annertunerusoq aammalu sumiiffinni pissutsit kiisalu najukkani suliffeqarfiit annertunerusumik eqqarsaatigineqarsinnaalernerat.

Siumumiit taanna tunngavigalugu isumaqarpugut pitsaasuusoq, pisortani suliassat tamarmik aatsaat tamanut ammasumik neqeroorutigineqartariaqanngitsut, ilaatigut pisariitsumik sukkasuumillu ingerlanneqarsinnaasariaqarmata. Taamaattorli mianerisariaqartutut isigineqartariaqarsoraarput kammalaatersorluni imaluunniit kalaallit suliffeqarfiutaasa salliutinneqannginneranik pisoqarsinnaanera. Taamaattumik tamanna pinngitsoortivissallugu ataatsimiisitaliami qulakkeerinnittumik suliaqartoqarnissaa kissaatigaarput – nunaqavissut kalaallillu suliffeqarfiutaasa illersorneqarnissaat qulakkeerumallugu.

Tamatumalu peqatigisaanik oqaatigissavarput pingaaruteqartorujussuuvoq, taamatut periarfissiineq atorreqassappat eqqortumik, naapertuilluartumik aammalu naligiissumik ingerlanneqarnissaa qulakkeerneqassasoq. Taamaattumik § 7, immikkoortoq 3 naapertorlugu najukkani pissutsinik eqqarsaatiginninneq qanoq atorreqassanersoq ersarissumik aalajangersaaffigineqartariaqarpoq Siumut isumaqarpoq.

Taamatuttaaq maluginiarparput § 13 a kiisalu § 13 b-mi suliffeqarfiit ilanngunneqarsinnaannginnerannut aalajangersakkat nutaat.



Siumumiit isumaqarpugut pitsaasuusooq isumaqarpugut makkua akuerineqanngilluinnarnerat pisusussanngormat: Suliffeqarfiit peqqarniitsumik pinerluttuliorlutik soorlu akissarsianut allanngortitsisarnermut, suleqatigiilluni isumaqatigiissuteqartarnernik unioqqutitsinermut (tassa nerriviup ataatsigut isumaqatigiissusiornerit akuersarneqanngilluinnarnerat), aningaasanik malunnarunnaarsaanermut imaluunniit meeqqanik sulisoqartitsinermut atatillugu pinerluttuliorsimasut pisortanit suliassanut peqataasinnaannginnerat.

Tamanna pisortat ingerlatsineranni tatiginninnermut pingaaruteqartuuvoq. Tamatumali saniatigut pingaaruteqarpoq, § 13 b-mi aalajangersakkat atorneqarnissaat eqqortumik aammalu assigiimmik atorneqarnissaat qulakkeerneqassasoq, taamaalilluni suliffeqarfiit assigiinngitsumik pineqarnissaat pingitsoorneqarsinnaaniassammat.

Siunnersuummi aamma pingaaruteqarpoq siunnersuutaasooq ataatsimoortitsinermut tunngammat, tassalu siunnersuummi aalajangersarneqarpoq siunnersuinermut aammalu atorussanik pilersuinermut tunngatillugu malittarisassat ataatsimut inatsisini ingerlanneqalissasut.

Siumumiit tamanna pitsaasutut isigaarput. Tamanna ajornartorsiutinik ikilisitsissaaq aammalu pisortat suliffeqarfiillu akornanni suliqaarnermik pisariillisaanermik kinguneqassalluni.

Taamatuttaaqq maluginiarparput § 3, § 12 kiisalu § 25 a allannguinerat, tassani tamanut saqqummiussisarneq ataatsimoortumik digitalimik udbudsportalimi ingerlanneqalissasoq aalajangersarneqarpoq.

Siumumiit tamanna pitsaasuuvooq, ersarissuseq aammalu assigiimmik periarfissaqartitsineq eqqarsaatigalugit.

§ 20 eqqarsaatigalugu, tassani siunnersuinermut tunngatillugu aningaasatigut killiliussaaq qaffanneqarpoq, Siumumit oqaatigissavarput pisariaqartoq suliffeqarfiit periarfissaqarnerat kiisalu ingerlatsinerup pisariillisarnissaa eqqarsaatigineqassasoq, kisianni aamma eqqarsaatigisariaqarpoq unammilleqatigiinneq pitsaasumik ingerlanneqarnerooq.

Naggasiullugu oqaatigissavarput § 35-mi ilinniartut pillugit allannguneq pingaaruteqartuuvoq. Sanaartornermik ingerlatsinerimi ilinniartunik aammalu suliffimmik misilliisunik atorfinitsitsineq inuiaqatigiinnut iluaqutaavoq pingaaruteqartoq.

Naggasiutigalugu Siumumiit oqaatigissavarput siunnersuut ataatsimut isigalugu tapersorsoripput, kisianni immikkoortut makku immikkut maluginiarneqarnissaat pingaaruteqartutut isigigivut:

§ 7-mi najukkani pissutsinik atuineq § 13 a kiisalu § 13 b-mi atorneqarnissaasa naligiissumik ingerlanneqarnissaa kiisalu § 20-mi unammilleqatigiinnermut atatillugu naapertuunneq

Siumumiit taamak oqaaseqarluta siunnersuut sanaartornermut ataatsimiititaliamut suliarineqartussanngorlugu ingerlaqqinnissaa inassutigaarput.

Erik Jensen, Siumut